

关于除夕的诗

1.
岁晚身何托，灯前客未空。半生忧患里，一梦有无中。发短愁催白，颜衰酒借红。我歌君起舞，潦倒略相同。——陈师道《除夜对酒赠少章陈师道》
- 2.入春才七日，离家已二年。——薛道衡《人日思归》
3.
怀土昔人志，伤时此日心。长江霜潦净，故国莫烟深。访古多遗恨，凭栏更独吟。细看前浦树，生意已堪寻。——张栻《除夕登仲宣楼》
4.
北风吹雪四更初，嘉瑞天教及岁除。半盏屠苏犹未举，灯前小草写桃符。
。——陆游《除夜雪》
5.
千家笑语漏迟迟，忧患潜从物外知。悄立市桥人不识，一星如月看多时。
。——黄景仁《癸巳除夕偶成》
6.
除夕阴寒怕卷帘，雨声断续下疏檐。壁穿自和乾泥补，窗损教寻废纸粘。
。祇有青灯相守定，纵无白发亦生添。更残自算明年事，不就君平卦肆占。
。——刘克庄《除夕》
7.
兀兀坐无味，思量谁与邻。数星深夜火，一个远乡人。雁翥天微雪，风号树欲春。
愁章自难过，不觉苦吟频。——卢延让《冬除夜书情》

8.
生菜春盘草八珍，灯前殊未觉家贫。几多茶垒中间事，第一屠苏最后人。
衰病不图今夕健，须臾又是隔年春。东风自此无闲暇，万里乾坤一夜新。
——方岳《除夕》

9.
寄语天涯客，轻寒底用愁。春风来不远，只在屋东头。——于谦《除夜太原寒甚》

10.
历尾无余日，更筹促曙躔。持愁剩残岁，将老入新年。——宋祁《除夕》

11.
今夕知何夕，满堂灯烛光。杜陵分岁了，贾岛祭诗忙。横笛梅花老，传杯柏叶香。
明朝贺元日，政恐雨相妨。——戴复古《壬寅除夜》

12.
一年滴尽莲花漏。碧井酴酥沈冻酒。——毛滂《玉楼春·己卯岁元日》

13.
和气作春妍。已作寒归塞地天。岁月翩翩人老矣，华颠。胆冷更长自不眠。
节物映椒盘。柏酒香浮白玉船。捧劝大家相祝愿，何言。但愿今年胜去年。
——李处全《南乡子》

14.直须残腊十分尽，始共新年一并来。——秦观《元日立春》

15.
畴昔通家好，相知无间然。续明催画烛，守岁接长筵。旧曲梅花唱，新正柏酒传。
客行随处乐，不见度年年。——孟浩然《岁除夜会乐城张少府宅》

16.
除夕愁难破，还家梦愈频。十年江海客，孤馆别离人。残漏听还尽，寒

灯坐愈亲。梅花满南国，谁寄一枝春。——郑作《除夕》

17.

老病忘时节，空斋晓尚眠。儿童唤翁起，今日是新年。——辛弃疾《元旦》

18.

柴米油盐酱醋茶，般般都在别人家。岁暮清淡无一事，竹堂寺里看梅花。——唐伯虎《除夕口占》

19.不求见面惟通谒，名纸朝来满敝庐。——文征明《拜年》

20.

暮景斜芳殿，年华丽绮宫。寒辞去冬雪，暖带入春风。阶馥舒梅素，盘花卷烛红。共欢新故岁，迎送一宵中。——李世民《守岁》

本文链接：<https://duanjuziku.com/duanjuzi/y3fni7vuko.html>